

1946-1948ԹԹ. ՀԱՅՐԵՆԱԴԱՐՁՈՒԹՅԱՆ
ԱՐԶԱԳԱՆՔՆԵՐԸ ՍԴ ՀՆՉԱԿՅԱՆ ԿՈՒՍԱԿՑՈՒԹՅԱՆ
ՍԱՍՈՒԼՈՒՄ

20-րդ դարի 20-ական թվականներին՝ Առաջին համաշխարհային պատերազմից և Մեծ եղեռնից հետո, հարյուր հազարավոր աստանդական ու տարագիր հայեր ապաստանեցին Մերձավոր Արևելքի, Եվրոպայի և Ամերիկայի տարբեր երկրներում՝ ձևավորելով սովորածավալ հայկական գաղթօջախները կամ, ինչպես ընդունված է ասել, սփյուռքը:

Հենց սկզբից էլ սփյուռքահայերի դիրքորոշումը խորհրդային Հայաստանի նկատմամբ միատեսակ չէր, սակայն այսպես թե այնպես տարրագիր հայերի հայացքն ուղղված էր դեպի հայրենիք, նրանցից շատերն ուզում էին վերա-հաստատվել հայրենի հողի վրա: Այս հարցով զբաղվում էին անգամ Ազգերի ընկերակցությունը, հայասիրական միջազգային կազմակերպությունները:

ՍԴ Հնչակյան կուսակցությունը սփյուռքում գործող կուսակցություններից առաջինն էր, որ հենց սկզբից որդեգրեց հայրենիքի հետ համագործակցելու դիրքորոշում:

Կուսակցության Մարսելի մասնաճյուղը 1926թ. հունվարի 30- ին հանդես եկավ հատուկ հայտարարությամբ¹, որով ֆրանսահայերին կոչ էր անում զգուշանալ դաշնակցականների հակախորհրդային քարոզչությունից, որը, իրականում, ավելի շուտ ուղղված էր հայերի միակ հայրենիքի՝ խորհրդային Հայաստանի դեմ:

Հայտարարության շարժառիթը հունվարի 24-ին Մարսելում դաշնակցական կուսակցության կազմակերպած հրապարակային ժողովում Փարիզից հրավիրված Ավ.Ահարոնյանի ելույթն էր: Վերջինս ամեն կերպ աշխատում էր չեզոքացնել ԶԾԿ-ի և Կարմիր խաչի անօրինակ ու խանդավառ գործունեության շնորհիվ հայրենիքի հանդեպ ֆրանսիայում համազրկանած գաղթականության մեջ առաջացած համակրանքի այն բուռն ալիքը, որ օրեցօր ծավալվում էր և համակիրների նորանոր շրջաններ նվաճում:

Ահարոնյանի ելույթից մեջ բերելով «Հայրենիքի ժողովուրդը պետք չունի օգնութեան, գաղութներուն պետք է ուժ տանք» կարգախոսը, հնչակաների Մարսելի մասնաճյուղի հայտարարությունը զգոնության կոչ է ուղղում հայությանը. «Հայրենիք մ'ունինք մենք: Զճանչնալ այս իրողութիւնը, ժխտել այս ճշմարտութիւնը, որուն առջեւ այնքան երկյիւղածութեամբ կը մօտենան

¹ ՀԱԱ, ֆ.1, ց. 6, գ. 26բ, ք. 13:

Նախնեմները, Բըլիֆի եւ Լօրտ Մէլըրս Ֆընտի ներկայացուցիչներ, կը նշանակէ ոճիրի մեծագոյնը գործել Դայ ժողովրդին նուիրական զգացումներուն խորանին առջեւ:

Մեր Դայրենիքը կայ եւ կը վերաշինուի ու կը վերաստեղծուի իր մշակութային օրկաններով, համալսարանով եւ շինարարական գործերով, որոնք այնքան զովեստով կը դրուատուին օտարականներու կողմէ ի պատիւ հայ աննկուն կամքին եւ անոր ստեղծագործող ուժին»:

Ընդգծելով, որ ԴՕԿ-ը գաղութներում ամենամեծ կազմակերպութիւնն է, որ կոչված է գաղութը կապելու Մայր Դայրենիքին, հայտարարութիւնը կոչ է անում համախմբվել նրա շուրջը, հայացքն ուղղել դեպի Դայաստան և կատարել սրբազան պարտքը հայրենիքի հանդեպ:

1935 թ. ապրիլի 4-ի համարում «Դիմնական դարմանը» խմբագրական հոդվածում² «Դնչակն» անդրադառնում է աշխարհն ընդգրկած տնտեսական ճգնաժամին և ընդգծում, որ մի շարք երկրներում ապաստանած հայ գաղթականները, տնտեսական ծանր վիճակից զատ, ունեն մի այլ՝ ավելի գորեղ մտահոգություն. իրենց օթևան տված երկրից դուրս քշվելու, արտաքսվելու, կրկին գաղթի ծանապահիք բռնելու վտանգը:

Դայ մամուլը և ազգային շրջանակները որպէս «դարման» առաջարկում են հայերին «զանգվածային քաղաքացիություն» ընդունել, որը, ըստ հոդվածի, փրկութեան ելք չէ, քանի որ ճգնաժամը քաղաքացի-ոչ քաղաքացի չի ճանաչում, մյուս կողմից էլ սա ուժացման գնալու և հայրենիքից մեկընդմիշտ օտարանալու վտանգավոր ուղի է:

Թերթն առաջ է քաշում «Զանգվածային գաղթ դէպի Խորհրդային Դայաստան» կարգախոսը՝ միաժամանակ մատնանշելով, որ ներգաղթը կապված է մի շարք դժվարությունների, նյութական զոհողությունների հետ, որոնք, սակայն, հաղթահարելի կլինեն Խորհրդային Դայաստանի աջակցությամբ, ինչպես նաև արտասահմանի ազգային հաստատությունների, մասնավորապես ԴԲԸՄ-ի դրամական օժանդակությամբ:

«Դէպի Դայաստան զանգուածային գաղթ մը ոչ միայն մահացումէ պիտի փրկէ հայ գաղթականութեան մեծագոյն մասը, այլ եւ մեծապէս պիտի նպաստէ Դայաստանի վերելքին», - այս եզրակացությանն է հանգում խմբագրականը՝ «հիմնական դարման» համարելով միայն զանգվածային ներգաղթը:

Դայերի զանգվածային ներգաղթի հարցը, սակայն, օրակարգում դրվեց երկրորդ համաշխարհային պատերազմից հետո, որին նպաստեցին մի շարք գործոններ, այն է՝ հաղթանակած Խորհրդային Միության վարկանիշի աճը արտասահմանում, այդ երկրների հայերի դրամական օգնությունը Կարմիր

² «Դնչակ», 1935, ապրիլ, էջ 1-2:

բանակին, ֆաշիզմի դեմ կազմակերպված Դիմադրության շարժմանը անդամագրվելը և այլն:

Պատերազմի հաղթական ավարտից հետո թե՛ հայրենիքի, թե՛ սփյուռքի հայերին ոգևորողը շատ ավելի հզոր մի գործոն էր, որը առնչվում էր թուրքիային անցած հայկական տարածքների գոնե մի մասը ետ ստանալու և խորհրդային Զայաստանին միակցելու հեռանկարին, քանի որ Զայաստանի կառավարությունը այս հարցը 1945թ. ընթացքում մի քանի անգամ բարձրացրել էր ԽՍՀՄ կառավարության առաջ: Վերջինս փորձել էր այն քննարկել և՛ թուրքական կառավարության հետ, և՛ միջազգային խորհրդաժողովներում, սակայն այդպես էլ արդյունքի չէր հասել³:

Այս հարցի քննարկման ընթացքում էլ ԽՍՀՄ Ժողկոմխորհը 1945թ. նոյեմբերի 21-ին ընդունել էր որոշում սփյուռքահայերի ներգաղթը կազմակերպելու մասին⁴, որը ջերմ արձագանք էր գտել սփյուռքահայ բոլոր քաղաքական կուսակցությունների կողմից, այդ թվում նաև՝ դաշնակցության:

Բայց տարածքների հարցի ծախսողումը, ինչպես նաև հայաշատ գաղթօջախներում կազմակերպված ներգաղթին աջակցող տեղական կոմիտեների կազմակերպումը, որոնց աշխատանքներին դաշնակցականների մասնակցությունը խորհրդային կառավարությունը ցանկալի չէր համարել, փոխեց դաշնակցության դիրքորոշումը, քանի որ վերջինիս համար առաջնահերթը կար և մնում էր պահանջատիրության հարցը:

Դաշնակցությունը դարձյալ անցավ հակախորհրդային քարոզչության, որը մեխանիկորեն ստացավ նաև հակահայրենադարձի ուղղվածություն:

Զնչակյան կուսակցությունը հայրենադարձության ջատագովն էր և իր մամուլում 1946 – 1948թ.թ. ընթացքում տպագրեց բազմաթիվ հոդվածներ, որոնցով կոչ էր անում սփյուռքի հայերին հայացքն ուղղել միայն դեպի Զայաստան, ամեն ինչով աջակցել հայրենադարձությանը և հեռու մնալ դաշնակցական քարոզներից:

Այսպես, «Ներգաղթ դեպի Զայաստան» խմբագրական հոդվածում⁵ Նյու- Յորքում տպագրվող «Երիտասարդ Զայաստան» թերթը, փաստելով, որ ներգաղթն այլևս իրականություն է դարձել արտասահմանում ապրող բոլոր հայերի համար, որ այն այլևս խմբային կամ հայրենակցական մանր բնույթ չունի, ընդգծում է այն կարևոր դերը, որ ունենալու է նա հազարավոր պանդուխտ, անհայրենիք հայերի համար:

³ Տե՛ս Ա. Վիրաբյան, Զայաստանը Ստալինից մինչև Խրուշչով, Եր., 2001, էջ 63-81, Զ. Ալիբեյբեյյան, Զայրենիք – սփյուռք առնչությունները և հայրենադարձությունը, Եր., 1985, էջ 171-177:

⁴ ԶԱՍ, ֆ.326, ց.1, գ.74, թ.1:

⁵ «Երիտասարդ Զայաստան», 22 փետրվարի, 1946:

Ներկայացնելով Խորհրդային Հայաստանի Ժողկոմխորհին կից Արտասահմանից ներգաղթող հայերի ընդունման և տեղավորման կոմիտեի անդամիկ նիստի՝ արտասահմանից հայրենիք վերադառնալու խնդրի շուրջ կատարված քննարկման եզրակացությունը՝ համաձայն որի «...արտասահմանում գործող հայկական բոլոր առաջադիմական եւ բարեգործական կազմակերպությունների համար այսօր չի կարող լինել աւելի կարելոր եւ պատուաւոր խնդիր, քան արտասահմանում ապրող հայերի հայրենիք վերադառնալու կազմակերպման գործն է», թերթը նշում է, որ կոմիտեի կողմ ուղղված է սփյուռքի բոլոր առաջադիմական կազմակերպություններին, և վերջիններիս սուրբ պարտքն է օգնել և՛ հայրենիք վերադարձողներին, և՛ հայրենիքին:

Ամերիկահայերը քաջ գիտակցում են, որ ներգաղթի առաջնությունը պիտի տրվի ավելի չքավոր, ավելի անապահով վիճակում գտնվող գաղթօջախների՝ Հունաստանի, Սիրիայի, Ֆրանսիայի և նման երկրների հայությանը, սակայն, անշուշտ, հերթը կհասնի նաև ամերիկահայությանը, որը համեմատաբար բարեկեցիկ վիճակում է:

«Ներգաղթը համահայկական, համազգային բնոյթ կրող խոշորագույն գործն է, զոր կը ներկայանայ արտասահմանի Հայոց», - գրում է թերթն ու ավելացնում, որ ամերիկահայերը «բացառիկ ընելիքներու պարտադրման ներքեւ են»:

«Երիտասարդ Հայաստան» թերթի մի այլ համարում⁶ տպագրված «Անժամանակ աճապարանքը մեզ կը վնասէ» հոդվածը տեղեկացնում է, որ ամերիկահայության Ազգային Խորհրդի կենտրոնական մարմինը Նյու-Յորքում արդեն կազմակերպել է ներգաղթի հատուկ հանձնախումբ, որը շուտով ազգային խորհրդի մասնաճյուղերի միջոցով յուրաքանչյուր հայի կհասցնի հատուկ հարցարան, որը լրացվելուց հետո «անադմուկ մեթոդով» կհասցեագրվի Նյու- Յորքի կենտրոնական հանձնախմբին: Հիշեցնելով, որ ներգաղթի առաջին քարավանները պիտի կազմվեն Հունաստանի, Սիրիայի, Ֆրանսիայի գաղթականներից, թերթը ամերիկահայերին հորդորում է զինվել համբերությամբ և սպասել իրենց հերթին, քանի որ Խորհրդային Հայաստանի հրավերից անմասն չի մնալու նաև ամերիկահայությունը:

«Ամերիկահայութիւնը բացառութիւն չը կազմեց, նա էլ հրաւիրուած է Տուն: Նա էլ կը գնա Մայր Հայաստանի մէջ մնալուն օժախ մը կազմել եւ յաւերժացնել իր Հայ մնալու մարդկային բնական ցանկութիւնը», - գրում է թերթն ու ավելացնում, որ որոշ ամերիկահայեր, ժամ առաջ հայրենիք մեկնելու ցանկությամբ տարված, սկսել են դիմել զանազան հաստատությունների՝ իմանալու այն հնարավոր ուղիները, որոնցով հնարավոր կլիներ սեփական միջոցներով օր առաջ մեկնել հայրենիք: Մինչդեռ ներգաղթը հաջող կազմակեր-

⁶ «Երիտասարդ Հայաստան», 29 մարտի, 1946:

պելու համար անհրաժեշտ է հայրենիքի և զաղթօջախների հայության երկուստեք փոխկապակցված համագործակցությունը, որի արդյունքում կլուծվեն և՛ անցագրերի, և՛ տեղափոխության, և՛ հայրենիքում ընդունվելու ու տեղավորելու բավական ծանր ու լուրջ խնդիրները:

«Բոլոր անոնք, որոնք որ անժամանակ աճապարանքի կենթարկեն ինքզինքնին, հսկայական վնասներու կրնան ենթարկուիլ, եւ դա պատճառ կը դառնայ անուշ յոյսերու, սրտավառ ցանկութիւններու քելման... Արդ, ցուցակագրուէ եւ հանդարտութեամբ սպասէ կարգիդ, առանց առօրեայ աշխատանքդ բաժնուելու», - հորդորում է թերթն իր ընթերցողներին:

Նույն թերթը հունիսի 18-ի համարում տպագրել է Ամերիկայի հայերի ներգաղթի օգնության հանձնախմբի վարիչ-քարտուղար,-դոկտոր Մ.Բնակունու «Լուսաբանութիւններ ներգաղթի մասին» վերնագրով հոդվածը⁷, ուր հեղինակը հանգամանորեն պատասխանում է հանձնախմբի հասցեով ստացված բազմաթիվ և բազմաբնույթ հարցերից ընտրված առավել կարևոր և լուսաբանման կարիք զգացող 18 հարցերի:

Ներգաղթել ցանկացող հայերին հետաքրքրել են այնպիսի հարցեր, ինչպիսիք են հայրենիքում ապրող միջին աշխատավորի եկամտի, կրթության և առողջապահության ուղղությամբ կատարվող ծախսերի չափերը, կանանց աշխատանքի պարտադիր լինելը, անաշխատունակ անձանց ապահովության խնդիրը, մարդկանց կուսակցական լինելը, նախկին երկրի քաղաքացիությունը պահպանելու հնարավորությունը, շարժական գույքի տեղափոխումը, տեղում փոքրիկ արտադրական արտելներ կազմակերպելը և այլն:

Հետաքրքիր է գույքի տեղափոխման հնարավորության խնդրին տրված մեկնաբանությունը: «Ասիկա կարելոր հարցում մըն է: Չեզ հետ կրնաք տանիլ ոչ միայն ձեր բոլոր կարելոր եւ արժէքաւոր կարասիները, այլ եւ առանձին այնպիսի առարկաներ եւ անօթներ, որոնք ձեր հանգստութեան համար կարելոր կնկատէք՝ ինչպէս ելեքտրական սառնարան, վառարան, օճախ, արդուկ, մաքրող, լուացող, եփող եւայլն, եւայլն: Որովհետեւ նախ ամերիկեան չափանիշով ձեր հանգիստը ապահով կ'ըլլաք: Երկրորդ, Խ.Յայաստանի մէջ ելեքտրականութիւնը շատ աժան ըլլալով ամենայնեւին գիւղերն անգամ կերակուրը ելեքտրականութիւնով կ'եփեն: Երրորդ, Յայկական Կառավարութիւնը ներգաղթողներու բոլոր գոյքը մաքսէ զերծ հռչակած է: Չորրորդ, փոխադրութեան ծախսը շատ քիչ է: Հինգերորդ, այս կերպով երկրին բարելաւութեան սատարած կ'ըլլաք որոշ չափով»:

«Երիտասարդ Յայաստանի» 1948թ. ապրիլի 6-ի խմբագրականը⁸ («Յայաստանէն փախչողները») սուր քննադատության է ենթարկում դաշնակ-

⁷ «Երիտասարդ Յայաստան», 18 հունիսի, 1946:

⁸ «Երիտասարդ Յայաստան», 6 ապրիլի, 1948:

ցական մամուլում անընդմեջ տպագրվող հոդվածները, որոնք հեղեղված են հայրենադարձ հայերի՝ Հայաստանը լքելու, երկրից փախչելու փորձերին:

Քննադատելով այս հրապարակումները՝ հնչական կուսակցության օրգանը բերում է այլ փաստեր, կատարում այլ եզրահանգումներ:

«Երկու տարուայ ընթացքին, - ասվում է խմբագրական հոդվածում, - արտասահման Հայաստան մեկներ են 93.000 գաղթահայեր: Հայ մամուլը տեղ տուաւ այս մեկնողներու Հայաստանէն գրած բազմահազարներով նամակներուն, որոնք բարձրօրէն կը յայտնեն իրենց գոհունակութիւնը՝ թելադրելով իրենց ազգական բարեկամներուն, որ միանան ներգաղթի կարաւաններուն եւ օր առաջ ժամանեն Հայաստան»:

Ղաշնակցական մամուլում այս նամակները որակվել են իբրև «չեկայի» պարտադրանք, սակայն, ինչպես նշում է թերթը, այդ նամակների հեղինակները, եթե չուզենային գրել, կխուսափեին դրանից՝ պատճառաբանելով, թե չունեն մեկը, որին նամակ գրեն: Ավելին, զարմանալի կլիներ, որ 93.000 հայրենադարձվածների մեջ չգտնվեին նաև դժգոհներ, իսկ շատ ավելի զարմանալի, եթե այդ դժգոհների մեջ էլ չլիներ իրենց ամբողջ կյանքում որևէ օգտակար աշխատանքով չբաղված «գինեմուլ, խումարճի եւ խահվեճի» մարդիկ, որոնք, բնականաբար, Հայաստանից չէ, որ փախչում են, այլ՝ աշխատանքից:

«Ամեն մարդ գիտէ, որ ուելից գաղթականի համար նոր միջավայրը, թէկուզ արքայութեան մէջ իսկ ըլլայ, զգալի պիտի ընէ անհրաժեշտ կարիքներու շարք մը, որոնք ժամանակի ընթացքին կը լեցուին աշխատանքով միայն: Մեղկերն ու ծոյլերը եթէ չեն համակերպիր այս շատ պարզ ճշմարտութեան, մեղավոր է Հայաստանի կառավարութիւնը, որը պատմութեան մէջ չարձանագրուած հայրենասիրական բարձր ոգիով հայրենադարձի մեծագոյն փրօպէնը կ'իրագործէ, ապշահար ընելով աշխարհի հզօր ազգերն իսկ»:

Թերթը գրում է նաև, որ հազարավոր գաղթահայեր հայրենիք են մտել մի փոքրիկ կապոցով միայն, և նրանց բնակարանով, տնային իրերով, հագուստով, սննդով և աշխատանքով ապահովելը միլիոնավոր ղուլարների ծախս է պահանջում, ուստի մի՞թե ճիշտ ու արդար են այն ներգաղթողները, որոնք այս ամենը արդեն պատրաստի վիճակում են ակնկալում:

Վերջապես, նույն երկրում անգամ քաղաքից քաղաք տեղափոխվածի համար նոր միջավայրին հարմարվելն ամիսներ է տևում, ուր մնաց՝ երկրից երկիր տեղափոխվածին:

Սակայն, ի հեճուկս հայրենադարձությունը պառակտելու փորձեր անողների, արտասահմանի բոլոր երկրներից բազմահազար հայեր շարունակում են դիմել ներգաղթը կազմակերպող գրասենյակներին, համբերությամբ սպասում են մեկնելու իրենց հերթին:

«Ղաշնակցութիւնը, որպէս Հայ կազմակերպութիւն, պարտի վագ գալ Հայերը Հայաստանէն հեռացնելու գաղափարապաշտութենէն: Նոյնիսկ ծանր

դժվարութիւններ դիմագրաւող Հայը միմիայն Հայաստանի մէջ է, որ կը մնայ Հայ: Ամէն, ով որ գիտակցաբար կը դաւադրէ այս ճշմարտութեան, մարդկութեան եւ պատմութեան սէւ դատակնիքին կ'արժնանայ:

Փախստականներու անունով շրջագայութեան հանուած կեղծ ու պատիր պատմութիւնները արժէք ու նշանակութիւն չեն ունեցած, չունին եւ պիտի չունենան, գաղութահայութիւնը պիտի գնայ եւ պիտի հաստատվի Հայաստանի մէջ», - ամփոփում է ասելիքը խմբագրականը՝ մեկ անգամ ևս ընդգծելով, որ եկել է ժամը իրականացնելու համայն հայութեան դարավոր երազ Ազգահավաքը:

Վերոհիշյալ հրապարակումները, անշուշտ, միակողմանի են և իրատեսորեն չեն ներկայացնում ներգաղթի համապարփակ պատկերը, նրա հետ կապված շատ ու շատ խրթին հարցեր, թեև հնչական կուսակցությունը քաջատեղյակ էր այդ ամենի մասին:

Սակայն կուսակցությունը, լավ զգալով սփյուռքահայութեանը սպառնացող ուժացման վտանգը, այն համարելով հային սպառնացող ամենամեծ չարիքը, հայրենադարձութեան գործընթացը մեկնաբանել է առանց իրերի դրութեան մէջ խորամուխ լինելու: